



Ovllá ja Elle leaba seamma mánáidgárddis seamma ossodagas. Ovllá lea viđa jahkásaš. Son lea jagi boarrásat go Elle. Elle lea 4 jahkásaš, son lea ges jagi nuorat go Ovllá. Elle ja Ovllá liikoba ovttas stoahkat. Dál lea mánáidgárddis álgán fitnat oahpásnuvvamiin bargosajiin. Juohke vahkkus galget fitnat ovttá bargosajis vai dihtet maid doppe barget. Dasa gal illudit mánát.

Odne leat mánáidgárddi mannamin girjerádjosis.

Girjerádjosis

Mánát jovdet girjerádjosis.

- Nuoladehket ja cogget gahpiriid ja fáhcaid, jáhkasoajá sisa, amas láhppot, dáhttu mánáidgárdde bargi.

Mánát leat nu gealdagasas.

- Amma oažžut dušše mannat sisa ja geahččat girjjiid? Jearralii Ovllá.

- Mii mannat fárrolágaid beasan mun muitalit mii dáppe lea, dadjá girjerájusbargi.

Go buohkat leat nuoladan ja hengen biktasiid de sii čuovvolit girjerájusbargi.

- Dáppe lea mis mánáidgirjjit. Dán kássa siste leat min govvagirjjit. Dáid girjjiid sáhttibehtet dás

geahčadit, muhto sáhttibehtet maid luoikkahit ruoktot. Leat golbma stuorra kássa guovdu láhtti, asehit bolstarat vel das lahka maid alde sáhtta čohkkát dahje velohallat.

Muhtun máná gal ii máššan, son viehkalii girjekássa burgit.

- Boađe don maid deike... dáppe leat mis ges mánáidfilmmat maid sáhttibehtet dáppe geahččat dahje luoikkahit, jotkkii girjerájus bargi ja váccii rukses ildu lusa.

- Manne bat dis leat nu ollu girjjit ja filmmat dáppe? Jearralii Elle.

- Na, dat lea danin vai buot mánáin lea vejolašvuhta lohkat girjjiid dalle eai dárbaš oastit visot, čilgii girjerájusbargi.

- Mis lea dáppe dakkár jaskeslatnja. Go olmmoš lea girjerádjosis de berre leat jaskat vai earát bállejit ráfis lohkat... muitalii bargi ja leahkui muhtun uvssa.

Lanjas ledje seinniin finna govat ja láhttis litna madrásat ja guottát iešguđetge ivnniin.

- Leatgo lohkan buot girjjiid? imaštii Ovllá.

- In leat, muhto lean lohkan hirkmat ollu girjjiid.

- Leago buot ilduin mánáidgirjjit?

- Eai leat, Nu go oaidnibehtet de leat girjerádjosis

girjjit biddjon iešguđetge ilduide. Muhtun ilduin lea mánáidgirjjit, eará ilduin nuoraidgirjjit ja eará sajiin ges girjjit ollesolbmuid várás. Jos it dieđe gos mánáidgirjjit leat, de lea buorre jearralit girjerájusbargis gos dat leat. Girjjit leat maid bidjon alfabehtalaččat ilduide.

- Diehtibehtetgo mo dalle lea go lea biddjon alfabehtalaččat? jearralii girjerájusbargi.

- Mun gal in dieđe,vástidii Elle.

-Alfabehta lea olles bustávvaráidu nugo: a,á,b, c, č, d, đ, e jna

Na, go mis leat dáppe nu ollu girjjit, de leat mii ferten bidjat girjjiid dihte ortnega mielde vai sáhttit gávdnat girjjiid ildus. omd. Elle Buljo, du goarggus lea bustáva lea B. Jos don leat čállán girjji ja mun lean dan bidjan ildui. Jos nubbi galgá dan girjji gávdnat de ferte mis leat dakkár ortnet ahte Elle Buljo girji gávdnat ildus mas girječállu goargu álgá B bustávas. Jos mun in leat bidjan girjji rivttes sadjái, de ii gávnna dat olmmoš dan girjji.

-Ojá nie. Mun dovddan ovttá gii lea čállán girjji. Su namma lea Inga Eira. Su goargu álgá E bustávain. Dalle ferte ohcat ildus mas lea E bustávva.

- Aiddo nie fal. Danin leage deatalaš ahte go dii dál ieža álgibehtet girjjiid geahčadit, de muitet fal bidjat seamma sadjái gos leat váldán. Ja jos it leat sihkar, de atte girjji girjerájusbargái. Amma nu?

Duon mánáidgirjekássa gal eai leat girjjit bidjon alfabehtalaččat, nu ahte dien kássii gal sáhtát bidjat gokko beare lea sadji.

- Duon beavddis leat sáhttibehtet čohkohallat ja sárgut govaid, jos dan ge háliidehpet.

- Muhto Piera han lea čalmmeheapme. Mo son galgá sáhtit lohkat girjjiid? jearrala Ovllá.

- Mis lea dáppe jietnagirjjit ja cd'at. Piera beassá guldalit girjjiid duon lanjas jos háliida, vástida girjerájusbargi ja vázzila dohko...sáhtá gal maid dán dihtoris guldalit

- Dál go lehpet oahpásnuvvan dán girjerádjosii, de dii diehtibehtet mo dáppe galgá.

- Jos háliidehpet luoikkahit girjji, de fertebehtet boahtit mu lusa duohko don beavddi lusa. Mun de ráhkadan didjiide girjerájus luoikkahankoartta. Dalle merken gii lea luoikkahan girjji. Dan ferten dahkat vai diedán geas dat girji lea. Jos ii muitte buktit ruovttoluotta de sáhtán dušše sáddestit muittuhusa.

- Lei go buot čielggas? Jos ii, de sáhttibehtet dušše jearralit mus. Amma nu? dajai girjerájusbargi ja vázzilii iežas beavddi lusa.

- Oi, man somá. Vuolgu Piera guldalit jietnagirjji, mun veahkehan du, dadjá Ovllá ja váldá Piera gihtii.

Muitalusa lea čállán: Liv Tone Boine



AaÁá
Bb

CcČč

DdĐđ

Ee

Ff
Gg

Hh
Ii

Jj

Kk

Ll
Mm

Nn
Oo

Pp

Rr

SsŠš

T

Jietnagirjjit

Girjjit

Manaidgirjjit